



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. V. Capitel.

urn:nbn:de:hbz:466:1-34848

Die Epistel

euch/sampt aller bosheit. Seind aber vndernader freündtlich/herzlich/
vñ vergebet einer de anderẽ/gleich wie gott euch vergebẽ hat in Christo.

Das. V. Capitel.

S Seind nun Gottes nachfolger als
die lieben kinder/vnd wandelt in der liebe/gleich wie Chri-
stus vns hat geliebt/vnd sich selbs dar geben für vns zu ei-
nem opfer vnd gabe/gott zu einem süßen geruch. Hürerey
aber vnd alt vnreinigkeyt/oder geysz last nicht von euch

gesagt werden/wie den heyligen zu steet/auch schandpare wort/vnd nar-
ren tading/vnd scherze/vnnd was sich nicht zur sachen reimet/sonder vil
mer/dancksagung. Denn des solt jr wissen habenn/das kein hüler/oder
vnreiner/oder geysziger(welcher ist ein gözẽ diener)erbe hat in dem reich
Christi/vnd gottes. Last euch niemant verführen mit vergeblichen wortẽ.
Denn vmb diser willen kompt der zorn gottes über die kinder des vnglaub-
bens/darumb seind nicht jr mitgenossen. Denn jr warẽt weyland finster-
nis/Man aber seind jr nicht in dem herren.

Wandelt wie die kinder des liechts. Die frucht des geists ist/allerley gü-
tigkeit vñ gerechtigkeit vñ warheit/vñ büßet was da sey wolgefellig vor
gott/vñ habt nicht gemeinschaft mit den vnfruchtbarn werckẽ der finster-
nis/straffet sie aber vil mer/Den was heimlich vñ in geschicht/dz ist auch
schentlich zu sagẽ/Alles aber/was vom liecht gestrafft wirt/das wirt offe-
bar/Alles aber was offenbar wirt/dz ist liecht/Darüb spricht er/wach vff
du schlaffest/vñ städ auff vñ den todte/so wirt dich Christus erleuchte.

So sehen nün zu/wie jr fürsichtiglich wandelt/nicht als die vnweisen
sond als die weisen/vnd löset dir zeit/den es ist böse zeit. Darumb werdẽt
nicht vnuerstendig/sond verständig was da sey des herre wille/vñ laufft
euch nicht voll weins/darauff ein vnordig wesen folgt/sond werdẽt voll
geysts/vnd redent vnderinander vñ psalmẽ vnd lobfengẽ vnd geystlichen
liedẽ/singet vñ spielet dem herren in einwerm herzen/vñ sagen danck alle
zeit vor yederman/gott dem vatter/in dem namẽ vnfers herre Jesu Christ
vnd seind vnderinander vnderthan in forcht gottes.

* (bösezeit) Den es ist die welt vnd dis leben voll böser exempel/reynung/ergerneiß/ beyde geystlicher
vnd leiplicher sündẽ. bC (vnordig) Wie wir sehen/das die drunckeböls wild/stech/vnuerstendig
vnd aller ding ungezogen seind/mit worten/schreyen/gerben vnd wandel.

Die weyber seyen vnderthan jren mannen/als dem herre/Den der man
ist des weibs haupt/gleich wie auch Christus dz haupt ist d gemeyne/vñ
er ist seines leibs heylad. Aber wie nün die gemein ist Christo vnderthan/
also auch die weiber jren mannẽ in allen dingẽ. Ir man liebet einwere wey-
ber/gleich wie Christus geliebt hat die gemeine/vñ hat sich selbs für sie ge-
ben/auff dz er sie heiliget/vnd hat sie gereyniget durch das wasserbad im
wort/auff dz er jm dar stellet ein herliche gemeyne/die nicht hab ein fleckẽ
oder runzel oder des etwas/sonder das sie sey heylig vnd vnsträflich.

Also sol

Also sollen auch die mennen ire weyber lieben / als ir eygene leibe. Wer sein weib liebet / der liebet sich selbs / Denn niemant hat yemal sein eygen fleysch gehasset / sonder er neret es vñ pfleget sein / gleich wie auch der herr die gemeyne / Den wir seind gelyder seines leibs von seinem fleysch vñ vñ seinem gebeine / Vmb des willen wirt ein mensch verlassen vatter vñ mütter / vñ seinem weib anhangen / vnd werden zwey ein fleysch sein / das^{Gene. 2.} geheimnis ist groß. Ich sag aber vñ Christo vnd d gemeyne / Doch auch ir / ein yeglicher hab lieb sein weib als sich selbs / dz weib aber forchte den ma.

* C. (geheimnis) Sacrament oder mysterion heist geheimnis oder ein verborge ding / das doch von aussen sein bedeutung hat. Also ist Christus vnd seine gemeyne ein geheimnis / ein groß heilig verbor gen ding / das man glauben muß vnd nicht sehen kan. Es wirt aber durch man vñ weib als durch sein außslich zeychen bedeytet / das gleich wie man vnd weib ein leib seind / alle güter gemeyn habē / also hat auch die gemeyne alles was Christus ist vnd hat.

Das. VI. Capitel.



Kinder seind gehorsam eüweren elteren in dem herren / den das ist billich. Vere dein vatter vnd dein mütter. Das ist das erst gebott / das ein verheißung hat / Auff das dirs wol gebe vñ lang lebest auff erde Vnd ir vätter / reytent eüwere kinder nicht zu zorn / sonder zyhēt sie auff in der zucht vñ vermanung an den herren. Ir knechte seind gehorsam eüwern leiplichen herren / mit forcht vnd zitteren in einfeltigkeit eüwers herzen / als Christo / mit mit dienst allein vor augē / als den mensche zugefallē / sonder als die knechte Christi / das ir solchen willen gottes thät von herze mit wilfertigkeit. Laßt euch duncken das ir dem herren dienen vnd nicht den mensche / vñ wissent / was ein yeglicher für gūts thūn wirt / das wirt er empfaben von dem herre / er sey ein knecht oder ein freyer / Vnd ir herre thünd auch dasselb gegen in / vnd erlassent das dreüwe / vnd wissent / das auch eüwer herr im hymel ist / vnd ist vor gott kein ansehen der person.

Zu lest / mein bñder befreitigent euch in dem herren / vnd in der macht seiner stercke / ziehent an den harnesch gottes / das ir besteen kündt gegē dē listigen anlauff des teufels. Denn wir haben nicht zu kempffen mit fleysch vnd blüt / sonder mit fürsten vnd geweltigen / mit den welt regenten der finsterniß in diser welt / mit den geystern der bosheit vnder dem hymel / Vmb des willen so ergreiffet den harnesch gottes / auff das ir kōndt wider steen an dem bösen tag / vnd in allen dingen gerüst sein.

So steet nān / vñ gürtet eüwere lenden mit der warheit / vñ angezogen mit dem krebs der gerechtigkeit / vnd geschüchet an eüwerē füßen mit rüstüg des Euāgelion vñ dem frid / in alle dinge aber ergreiffet den schilt des glaubens / mit welchem ir kündt auflesche alle feütige pfeil des böswichts vñ den helm des heyls nempt an euch / vñ dz schwert des geists / welches ist dz wort gottes / Vñ bettet stets in allem anligē mit bittē vñ flehē / im geyst / vnd wa